



ԳՆԱՀԱՏՄԱՆ ԵՎ ԹԵՍՏԱՎՈՐՄԱՆ ԿԵՆՏՐՈՆ

ՈՒՍՈՒՑՉԻ ԱՌԱՐԿԱՅԱԿԱՆ ԳԻՏԵԼԻՔԻ ՍՏՈՒԳՈՒՄ

2025

ՀՈԳԵԲԱՆՈՒԹՅՈՒՆ

ԹԵՍՏ 2

ԽՄԲԻ ՀԱՄԱՐԸ

ՆՍՏԱՐԱՆԻ ՀԱՄԱՐԸ

Հարգելի՛ ուսուցիչ

Խորհուրդ ենք տալիս առաջադրանքները կատարել ըստ հերթականության:
Ուշադիր կարդացե՛ք յուրաքանչյուր առաջադրանք: Եթե չի հաջողվում որևէ առաջադրանքի
անմիջապես պատասխանել, ժամանակը խնայելու նպատակով կարող եք դրան
անդրադառնալ ավելի ուշ:

**Թեստ-գրքույկի էջերի դատարկ մասերը կարող եք օգտագործել սևագրության
համար:**

1

Ո՞ր իմացական գործընթացն է ըստ Լ. Ս Վիգոտսկու բնորոշվում որպես հին տպավորությունների վրա նորի ավելացման, փոփոխման և նոր, նախկինում գոյություն չունեցող պատկերների ստեղծման գործընթաց:

- 1) հիշողություն
- 2) ընկալում
- 3) երևակայություն
- 4) մտածողություն

2

Ինչպե՞ս է կոչվում այս օրենքը. «Եթե գրգռիչի ուժն աճում է երկրաչափական պրոգրեսիայով, ապա զգայության ինտենսիվությունն աճում է թվաբանական պրոգրեսիայով»:

- 1) փսիխոֆիզիկայի հիմնական օրենք
- 2) հմտության փոխանցման օրենք
- 3) փսիխոանալիզի հիմնական օրենք
- 4) հաճախականության օրենք

3

Նշվածներից ո՞րն է սոցիալական բնավորության տիպ՝ ըստ Է. Ֆրոմմի:

- 1) տնտեսագետ
- 2) կրոնական
- 3) շուկայական
- 4) քաղաքագետ

4

Անձնավորության ո՞ր հատկությունն է ըստ Զ. Ֆրոյդի և Կ. Լորենցի բնագղային հակում, իսկ ըստ Փ. Մուսսենի, Ա. Բանդուրայի՝ սոցիալական փորձի արդյունք:

- 1) կոնֆլիկտայնություն
- 2) ագրեսիվություն
- 3) իմպուլսիվություն
- 4) գրգռողականություն

5

Նշվածներից ո՞րն է աֆեկտի տեսակ:

- 1) փսիխոտիկ
- 2) հիպոթերիկ
- 3) խրոնիկ
- 4) պաթոլոգիկ

6

Նշվածներից ո՞րն է համարվում հոգեբանության՝ որպես ինքնուրույն գիտության ճանաչման տարեթիվ:

- 1) 1895 թ.-ը, երբ Ջ. Ֆրոյդը հրատարակեց «Պրոյեկտ» աշխատությունը
- 2) 1590թ.-ը, երբ գերմանացի գիտնական Ռ. Գոկլենիուսը հրատարակեց «Հոգեբանություն» աշխատությունը
- 3) 1732թ.-ը, երբ սկսած Հ. Վոլֆի «Էմպիրիկ հոգեբանություն» աշխատությունից, «հոգեբանություն» տերմինը մարդու հոգեկանը ուսումնասիրող գիտության համար դառնում է համընդհանուր կիրառելի
- 4) 1879 թ.-ը, երբ Գերմանիայում հիմնադրվեց հոգեբանության առաջին լաբորատորիան

7

Ո՞վ է առաջին անգամ ձևակերպել «ռեֆլեքս» հասկացությունը:

- 1) Յ. Պրոխազկա
- 2) Ռ. Գոկլենիուս
- 3) Ա. Մոնպելիե
- 4) Ռ. Դեկարտ

8

Բիհևիորիստական տեսության մեջ ի՞նչ են հասկանում «օպերանտային վարք» ասելով:

- 1) վարք, որը հենվում է տարբեր բարդության և տեսակի ռեֆլեքսների վրա և պայմանավորված է նախկինում նմանատիպ վարքի դրական կամ բացասական հետևանքներով
- 2) վարքն ու գործունեությունը մարդու կյանքի տարբեր իրավիճակներում պայմանավորող դինամիկ ստերիոտիպերի համակարգ
- 3) վարք ու գործունեություն, որոնք ապահովում են օրգանիզմի հարմարվողականությունը միջավայրի փոփոխվող պայմաններին՝ պայմանական-ռեֆլեկտորային կապերի համակարգի միջոցով
- 4) վարք, որը հենվում է բնագոյների վրա և ապահովում օրգանիզմի հարմարումը շրջակա միջավայրի անբարենպաստ և փոփոխվող պայմաններին

9

Նշվածներից ո՞րը անձնավորության կառույցի բաղադրիչ չէ՝ ըստ Կ. Գ. Յունգի:

- 1) էգո
- 2) անհատական անգիտակցական
- 3) ենթագիտակցական
- 4) կոլեկտիվ անգիտակցական

10 Հոգեբանական ո՞ր ուղղության հիմնաքարերից է այն գաղափարն, ըստ որի մարդկային կյանքի լիարժեքությունը բնորոշվում է սոցիալական հաջողություններով:

- 1) հումանիստական հոգեբանություն
- 2) անալիտիկ հոգեբանություն
- 3) գեշտալտ հոգեբանություն
- 4) կոգնիտիվ հոգեբանություն

11 Ո՞ր տարիքային փուլն է կարևոր համարվում աշխարհի նկատմամբ երեխայի հիմնարար վստահության ձևավորման հարցում՝ ըստ Է. Էրիքսոնի:

- 1) դեռահասության տարիքը
- 2) կյանքի առաջին տարին
- 3) նախադպրոցական տարիքը
- 4) կրտսեր դպրոցական տարիքը

12 Ինչի՞ հետազոտմանն է միտված Պիերոնի - Ռուզերի մեթոդիկան:

- 1) ուշադրության հատկությունների
- 2) հիշողության հատկությունների
- 3) երևակայության գործընթացների
- 4) մտածողության գործընթացների

13 Ինչպե՞ս է կոչվում օրգանիզմի և հոգեկանի ներքին կայունությունը պահպանող մեխանիզմը:

- 1) հոմեոսթերա
- 2) հոմեոպաթիա
- 3) հոմեոսթազ
- 4) հոմոլոգիա

14 Ի՞նչ սկզբունքով են դասակարգվում հանրակրթական ուսումնական հաստատության հոգեբանի գործառույթները:

- 1) ըստ աշխատանքների կազմակերպման ձևի
- 2) ըստ աշխատանքների բարդության
- 3) ըստ աշխատանքների տևողության
- 4) ըստ աշխատանքների վերահսկողության ձևի

15

Ո՞վ է ներմուծել «Սոցիալական անգիտակցական» եզրույթը:

- 1) Զ.Ֆրոյդը
- 2) Է.Ֆրոմմը
- 3) Կ.Յունգը
- 4) Վ.Ֆրանկլը

16

Նշվածներից ովքե՞ր են բիհևիորիզմի ներկայացուցիչներ:
Նշել դրանց համարները:

- 1) Ու. Նայսեր
- 2) Է. Թորնդայք
- 3) Հ. Սալիվան
- 4) Ջ. Ուոթսոն
- 5) Բ. Սքիններ
- 6) Ջ. Դյուի
- 7) Ա. Ադլեր

17

Նշվածներից որո՞նք են անձի հասունության չափանիշներ՝ ըստ Ա. Մասլոուի:
Նշել դրանց համարները:

- 1) ուշադրությունը սեփական Ես-ի խնդիրների վրա կենտրոնացնելը
- 2) մշակութային կոնֆորմիզմին դիմադրելու ընդունակությունը
- 3) միջավայրի հետ կոնֆլուենտիվ հարաբերությունները
- 4) ժամանակ առ ժամանակ մենակ մնալու, առանձնանալու պահանջը
- 5) Տիեզերքի հետ միասնության մեջ լինելու ապրումը
- 6) գործողությունների կողմնակի դրդմամբ բխող բնույթը
- 7) ստեղծագործական ընդունակությունները

18

Դիսթրեսի նշված դրսևորումներից ո՞րոնք են հուզական: Նշել դրանց համարները:

- 1) սթրեսի ազդեցությունը նվազեցնելու կամ դադարեցնելու վերաբերյալ մտքեր
- 2) տազնապային ապրումներ, վախեր
- 3) բացասական, տազնապային մտքեր, մեկնաբանություններ
- 4) խուճապի և խուճապային գրոհի ապրում
- 5) կյանքի իրադրություններին տազնապային մեկնաբանություններ տալու հակվածություն
- 6) դեպրեսիվ մտքեր, հոռետեսական վերաբերմունք
- 7) տրամադրության խանգարումներ

19

Նշվածներից որո՞նք են ըմբռնման գործընթացներ: Նշել դրանց համարները:

- 1) պատկերի հստակեցումը
- 2) պատկերի հայտնաբերումը
- 3) պատկերի փոխատեղումը
- 4) պատկերի ստեղծումը
- 5) պատկերի ճանաչումը
- 6) պատկերի փոխանցումը
- 7) պատկերի աղճատումը

20

Որո՞նք են յոթ տարեկանի ճգնաժամի դրսևորումներն՝ ըստ Լ. Ս. Վիգոտսկու: Նշել դրանց համարները:

- 1) նպատակաւացությունը
- 2) անմիջականության կորուստը
- 3) շատախոսությունը
- 4) կամակորությունը
- 5) սեթևեթանքը
- 6) ընտրողականությունը
- 7) համարձակությունը

21

Նշվածներից որո՞նք են սթրեսի փուլերից: Նշել դրանց համարները:

- 1) սպառման փուլ
- 2) ահազանգի փուլ
- 3) վտանգի փուլ
- 4) դիմադրության փուլ
- 5) ակտիվացման փուլ
- 6) մերժման փուլ
- 7) հաղթահարման փուլ

22

Նշվածներից որո՞նք են երեխաների կողմից վշտի ապրման փուլերը՝ ըստ Էլիզաբեթ Քյուբլեր-Ռոսի: Նշել դրանց համարները:

- 1) ընդունում
- 2) մերժում
- 3) քննարկում
- 4) բարկություն
- 5) հիասթափություն
- 6) փաստարկում
- 7) բանակցություններ

23

Նշվածներից որո՞նք են անձի ձևավորման սուբյեկտիվ պատճառներ՝ ըստ Վ. Դ. Ճադրիկովի: Նշել դրանց համարները:

- 1) սոցիալականացումը
- 2) գիտակցությունը
- 3) հաղորդակցումը
- 4) հոգեկան վիճակները
- 5) արժեքային համակարգը
- 6) հոգեդինամիկ հատկությունները
- 7) էթնիկական հատկությունները

24

Նշված պնդումներից որո՞նք են բնութագրում բարդություններն ըստ Կ.Յունգի: Նշել դրանց համարները:

- 1) բարդության միջուկն ու նրան միացած բաղադրիչները երբևիցե չեն կարող գիտակցվել
- 2) բարդությո՞ւնը թեմատիկ միջուկ է, որի շուրջ հավաքված են գաղափարներ, կարծիքներ, հարաբերություններ, համոզմունքներ, հիշողություններ, որոնք զուգորդվում են որոշակի զգացմունքների հետ
- 3) բարդության թեմատիկ միջուկը որքան թույլ է, այնքան շատ հոգեկան երևույթներ է հավաքում իր շուրջը
- 4) բարդությունները հատուկ հուզական կառույցներ են, որոնք հարաբերական ինքնուրույնություն ունեն
- 5) բարդությունները դրսևորվում են որոշակի նախանշաններով, որոնց համադրման դեպքում ձևավորվում է ախտանիշ
- 6) բարդությո՞ւնը չի կարող վերահսկել անձնավորությանը և հոգեկանն օգտագործել իր նպատակների համար
- 7) բարդության վերացման համար անհրաժեշտ է անհատական անգիտակցականից հանել հուզական լիցքավորում ունեցող բովանդակությունը

25

Զգայություններին վերաբերող պնդումներից որո՞նք են ճիշտ:

Նշել դրանց համարները:

- 1) մոդալականությունը զգայության ժամանակային բնութագիրն է
- 2) հոտառական զգայությունը միայն դիստանտային է
- 3) արտաքին գրգռիչների ազդեցության դեպքում առաջացող զգայությունները կոչվում են էքստերոցեպտիվ
- 4) հավասարակշռության զգայությունը ինտերոցեպտիվ է
- 5) ինտերոցեպտիվ զգայությունների ընկալիչները տեղակայված են մարմնի մակերևույթի վրա
- 6) լսողական զգայություններն են հնչեղությունը, քարձրությունը, ձայներանգը
- 7) պրոպրիոցեպտիվ զգայություններն առաջ են գալիս մկաններում և հոդակապերում տեղակայված հատուկ ընկալիչների գրգռումից

26

Նշված վախերից որո՞նք են 3-6 տարեկան երեխաների տարիքային վախեր՝ ըստ Ա. Ի. Չախարովի: Նշել դրանց համարները:

- 1) երեխան վախենում է կտրուկ շարժումներից
- 2) երեխան վախենում է մոր բացակայությունից
- 3) երեխան վախենում է մենակ մնալուց
- 4) երեխան վախենում է, որ մտերիմները կարող են մահանալ
- 5) երեխան վախենում է մերժված լինել հասակակիցների կողմից
- 6) երեխան վախենում է աղետներից
- 7) երեխան վախենում է կտրուկ ձայներից

27

Նշվածներից որո՞նք են գուգորդումների տեսակներ: Նշել դրանց համարները:

- 1) կամային
- 2) տարբերության
- 3) համադրության
- 4) առընթերության
- 5) պատճառահետևանքային
- 6) ընդհանրական
- 7) հուզական

28

Ըստ Հ. Մյուրրեի, նշվածներից որո՞նք են իշխելու շարժառիթի տեսակ:
Նշել դրանց համարները:

- 1) օգնության
- 2) պարզևատրման
- 3) հաջողության
- 4) ստիպողական
- 5) մրցակցության
- 6) նորմատիվ
- 7) մերձեցման

29

Հիշողության գործընթացներին վերաբերող պնդումներից որո՞նք ճիշտ չեն:
Նշել դրանց համարները:

- 1) կամաձին մտապահումը մարդու գիտելիքների հարստացման գործընթաց է
- 2) պահպանումը տեղեկության մշակումից, ճանաչումից, յուրացումից հետո հիշողության մեջ կուտակումն է
- 3) վերարտադրումը նախկին փորձի բաղադրամասերի արդիականացման գործընթացն է
- 4) վերհուշը տեղեկության պահպանման ձև է
- 5) ռեմինիսցենցիան անցյալի իրադրությունների և դրանց ուղեկցող հուզական ապրումների, տպավորությունների վերարտադրումն է
- 6) ճշտությունը և տևականությունը վերարտադրման որակական հատկանիշներ են
- 7) մտապահման համար օգտագործվում են մենմիկ հնարներ

30

Նշվածներինց որո՞նք են բնավորության շեշտվածության տիպեր՝ ըստ Կ.Լեոնհարդի: Նշել դրանց համարները:

- 1) էպիլեպտիդ
- 2) գրգռվող
- 3) ցիկլոիդ
- 4) խցանվող
- 5) էմոտիվ
- 6) շիզոիդ
- 7) պարանոյալ

Տրված պնդումներից երեքը ճիշտ են: Նշել դրանց համարները:

1. Ըստ Կ. Գ. Յունգի, անգիտակցականը արտամղված բնագոյների պահեստ է:
2. Ավագաթերապիայում Մ. Լովենֆելդի կողմից ստեղծված առաջին տեխնիկան կոչվեց «Աշխարհի տեխնիկա»:
3. Ի տարբերություն այլ հոգեթերապևտիկ գործընթացների, երեխաների հետ աշխատանքում *չենք* հանդիպում փոխանցման (տրանսֆեր) և հակափոխանցման (կոնտրտրանսֆեր) գործընթացներին:
4. Ինտերիորիզացիան ներքին (հոգեկան) գործողության վերածումն է արտաքինի:
5. Մարդն ավելի լավ է հիշում այն գործողությունը, որն ավարտին չի հասցրել:
6. Նարցիսիզմը 3 տարեկանի ճգնաժամի ախտանշան է:
7. Ըստ Լ. Ա. Վենգերի, ծնողների կողմից երեխայի նկատմամբ խիստ վերահսկողությունը կազմում է նրա դպրոցական պատրաստվածության հիմքը:
8. Տարբեր պատկերների առանձնացված և ընտրված տարրերից նոր ամբողջի ստեղծումը կոչվում է դիսոցիացիա:
9. Ըստ Ջ. Ուոթսոնի, վարքը միակ օբյեկտն է, որ կարելի է ուսումնասիրել:

Տրված պնդումներից երեքը սխալ են: Նշել դրանց համարները:

1. Ըստ Լ. Վիգոտսկու միտքը ստեղծվում է խոսքի միջոցով:
2. Այն գործոնները, որոնք խթանում են մարդու մոտ սթրեսային պատասխանը, կոչվում են խնդրահարույց գործոններ:
3. Կուռքերի ստեղծումը դեռահասության ճգնաժամի ախտանշան է:
4. Ֆլեգմատիկի նյարդային համակարգը ուժեղ է, հավասարակշիռ, ռիզիկ:
5. Հոգեախտորոշիչ թեստը պետք է ունենա սոցիալ-մշակութային հարմարեցվածություն:
6. Բրոկայի կենտրոնի վնասման դեպքում մարդը չի կարողանում հասկանալ լսած բառերի իմաստը:
7. Խմբային աշխատանքը հակացուցված է սուր սթրեսային ռեակցիա ունեցող երեխաներին:
8. Ըստ Բ. Անանիսի սուբորդինացիան անձի կառուցվածքի ձևավորման սկզբունք է:
9. Երևակայական պատկերների ստեղծման գործընթացում առավել կարևոր դեր ունի ձախ կիսագունդը:

Տրված պնդումներից երեքը սխալ են: Նշել դրանց համարները:

1. Պրոսոդիկան ձայնի տեմբրի, հնչերանգի, խոսքի արագության փոփոխությունը, բառի կամ արտահայտության շեշտադրումն է:
2. Հոգեբանական աշխատանքում գաղտնիությունը կարող է խախտվել, երբ կա հարցում իրավական մարմինների կողմից:
3. Հոգետրավման միշտ ունի ուժեղ բացասական իմաստ:
4. Հոգեշտկողական հեքիաթի ստեղծման համար պետք է ընտրել հերոսի, որը տարիքով երեխայից մեծ է, նրանից թե՛ ֆիզիկապես և թե՛ բնավորությամբ ուժեղ է:
5. Ինտրովերտներին հատուկ է զսպվածությունը, խնդիրներն աստիճանաբար լուծելու հակվածությունը:
6. Ըստ Լ. Ա. Վենգերի երեխայի վարքը կառավարող դրդապատճառային համակարգը կազմում է նրա դպրոցական պատրաստվածության հիմքը:
7. Կրտսեր դպրոցականի հետաքրքրությանը բնորոշ է այլոց կենսափորձը հաշվի առնելը:
8. Խմբային աշխատանքների համար անհրաժեշտ է սահմանել լողացող գրաֆիկ:
9. Ա.Ադլերը անհատական հոգեբանության հիմնադիրն է:

Տրված պնդումներից երեքը ճիշտ են: Նշել դրանց համարները:

1. Ա. Ֆրոյդը երեխայի հետ թերապևտիկ աշխատանքներում ներգրավում էր նաև ծնողներին:
2. «Թայմ աութ» տեխնիկան իրականացվում է հատուկ այդ նպատակով ընտրված տեղում, որտեղ երեխան կարող է հանդարտվել և մտածել իր վարքի մասին:
3. Երեխայի հետ թերապևտիկ աշխատանքում դիմադրություն կարող է լինել միայն երեխայի կողմից:
4. Ինքնամփոփությունը 7 տարեկանի ճգնաժամի ախտանշան է:
5. Սանգվինիկների նյարդային համակարգի անհավասարակշռությունը հաճախ հանգեցնում է կոնֆլիկտների:
6. Երեխաները կոնկրետ հասկացություններով դատողություններ են անում 4-5 տարեկանում:
7. Շոշափելիքի, հոտի և համի հիշողությունները ֆիլոգենետիկ զարգացման ընթացքում մարդու մոտ առաջին պլան են մղվել:
8. Ըստ Ժ.Պիաժեի, մտածողությունը խոսքից ուշ է զարգանում:
9. Երագները պասիվ երևակայության դրսևորումներ են:

1. Է. Վագների «Ձեռք» թեստը կարող է կիրառվել երեխայի հուզական և անձնային առանձնահատկությունների հետազոտության նպատակով:
2. Անհատական աշխատանքի համար ավագի արկղի դասական չափերն են 50 սմ լայնություն, 70 սմ երկարություն և 8 սմ խորություն:
3. Աստենիկ հույզերի հետևանքով կենսական ուժերն ավելի բուռն են դրսևորվում:
4. Ըստ Հ. Այզենկի ինտելեկտը տեղեկության մշակման՝ ուղեղի կառուցվածքի և գործառույթների հետ կապված բնածին ընդունակություն է:
5. Կրտսեր դպրոցականի հետաքրքրությանը բնորոշ է մակերեսայնությունը և ցրվածությունը:
6. Ուշադրության պակաս և գերակտիվության համախտանիշ ունեցող երեխաների հետ անհրաժեշտ է խոսել բարձր ձայնով և դիրեկտիվ ցուցումներով:
7. Պրոյեկտիվ թեստերը դժվարությամբ են ենթարկվում քանակական ցուցանիշների և հաշվարկների:
8. Ուսումնական հաստատության հոգեբանը կարող է հանդիսանալ կոնկրետ սովորողի ԱՌԻՊ-ի մշակման և իրականացման գործընթացի համակարգող:
9. Մեփական անձը ուրիշներին ենթարկելու, ինքն իրեն պատժելու վարքագիծը կոչվում է դեստրուկտիվիզմ:

Տրված պնդումներից երեքը սխալ են: Նշել դրանց համարները:

1. Ըստ Ֆրոմի, անձի կարևոր բնութագրիչները «լինել» և «չլինել» հասկացություններն են:
2. Սովորաբար հետտրավմատիկ սթրեսային խանգարումները հազվադեպ են հանդիպում երեխաների մոտ:
3. Համադրական ոճի մտածողություն ունեցող մարդիկ հակված են ինտուիտիվ, ընդհանրական գնահատումների և մանրակրկիտ վերլուծություն չեն կատարում:
4. Պրոյեկտիվ մեթոդիկան չ/ կարելի համարել հոգեբանական ախտորոշման միակ և ընդգրկուն գործիքը:
5. Պատճառահետևանքային գուգորդումները ձևավորվում են կենսափորձի, գիտելիքների ձեռքբերման շնորհիվ:
6. Երեխայի հարմարումը ուսուցչի մտածելակերպի, դիրքորոշումների, վարքագծի հետ, կոչվում է մանկավարժական հարմարում:
7. Թերապևտիկ սենյակի՝ երեխայի համար նախատեսված հատվածում նպատակահարմար չէ ունենալ փակվող պահարաններ:
8. Մասնագիտությունների, ընկերների, գուգընկերների հաճախակի փոփոխությունը պատանեկության ճգնաժամի ախտանշան է:
9. Լացը, հազը, ծիծաղը, հոգոցը հոգեֆիզիոլոգիական արտահայտչամիջոցներ են:

Տրված պնդումներից երեքը ճիշտ են: Նշել դրանց համարները:

1. Իդենտիֆիկացիայի գործընթացն ավարտվում է 3 տարեկանում:
2. Վաղ տարիքում որպես հոգեկան նորագոյացություն հանդես է գալիս գիտակցության նշանային ֆունկցիան:
3. Ըստ Լ.Վիգոտսկու՝ տարիքային ճգնաժամերին հատուկ են ձևավորման և ավարտի որոշակիությունը:
4. Դ. Էլկոնինը ձևակերպել է անձի հոգեսոցիալական զարգացման տեսությունը:
5. Ասիմիլյացիան ենթադրում է պատասխան ռեակցիայի փոփոխություն՝ ստացվող փորձի հիման վրա:
6. Մանկիկության շրջանին բնորոշ է իրավիճակային-անձնային շփումը:
7. Վաղ տարիքում ընկալումն օժտված չէ աֆեկտիվ երանգավորմամբ:
8. Ժխտողականությունը իր ասածը, արածը մինչև վերջ տանելն է:
9. Ըստ Ժ. Պիաժեի երեխան ծնվում է որպես աուտիստիկ եակ:

Տրված պնդումներից երեքը ճիշտ են: Նշել դրանց համարները:

1. Ինքնապաշտպանական պահանջմունքը դեֆիցիտար պահանջմունք է:
2. Անիմուսը տղամարդու մեջ անգիտակցական կանացի մասի արխետիպն է:
3. Բռնության ենթարկված երեխաները կարող են ունենալ զգացմունքներն ու հույզերն արտահայտելու անկարողություն:
4. Ընդհանրացումն էական հատկանիշների հիման վրա առարկաների կամ երևույթների խմբավորումն է մի ընդհանուր հասկացության մեջ:
5. Վարքի ոչ սոցիալականացված խանգարում ունեցող երեխաները չունեն մտերիմ ընկերներ:
6. Մարմնի որոշակի կեցվածքը, որը տվյալ մշակույթում որոշակի իմաստ ունի, կոչվում է տակեստիկա:
7. Ակնառու-պատկերային մտածողությունը զարգանում է 18-24 ամսականում:
8. Պարբերաբար կրկնվող հակազդումները, որոնք անընդհատ հիշեցնում են տրավմատիկ իրողության մասին, կոչվում են գերզգոն հակազդումներ:
9. Արտաքին գրգռին ի պատասխան առաջացած ագրեսիան կոչվում է սպոնտան ագրեսիա:

Տրված պնդումներից երեքը սխալ են: Նշել դրանց համարները:

1. Ըստ Ա. Վալոնի, նախադպրոցական տարիքում արտաքին աշխարհի նկատմամբ երեխայի ուշադրությունը պայմանավորված է կողմնորոշման ռեֆլեքսով:
2. Ավագաթերապիայում մոտիվացիոն տեխնիկաները կիրառվում են թերապևտիկ տեխնիկաներից հետո:
3. Որքան մարդն ինտելեկտուալ է, այնքան ռացիոնալիզացումը հեշտ է կատարվում:
4. Բ. Սքինները օպերանտ վարքի տեսության հեղինակն է:
5. Այցելուի հետ «Ընտանիքի նկար» թեստը կիրառելիս խորհուրդ է տրվում բացատրել, թե ինչ է նշանակում «ընտանիք»:
6. Մինչև 2 տարեկան երեխայի քաշի և հասակի անհամապատասխանությունը տարիքային նորմերին կարող է անտեսման ֆիզիկական ցուցիչ լինել:
7. Նորագոյացությունը բնորոշ է ցանկացած ճգնաժամային տարիքի:
8. Երկարաժամկետ (տարեկան) նպատակները հստակ սահմանում են կրթության և զարգացման ոլորտը՝ ցույց տալով ակնկալվող վերջնարդյունքը:
9. Հակումները, դիրքորոշումները, բարդությունները և մղումները չգիտակցված հակումներ են:

Տրված պնդումներից երեքը սխալ են: Նշել դրանց համարները:

1. Կրտսեր նախադպրոցական տարիքում երևակայությունը վերարտադրական բնույթ ունի:
2. Ավագի պատկերը *չի կարելի* լուսանկարել՝ հետագայում դիտելու և քննարկելու նպատակով:
3. Ուրիշի վարքը բացատրելու նպատակով նրան ճիշտ կամ սխալ հատկությունների և դրդապատճառների վերագրումը կոչվում է ատրիբուցիա:
4. Դեպի ներս ուղղված զայրույթը բնորոշ չէ հոգետրավմային:
5. Ըստ Բ. Վ. Ջեյգառնիկի, մարդն ավելի լավ է հիշում այն գործողությունը, որն ավարտին *չ* հասցրել:
6. Նյարդային համակարգի ուժը գրգռումից արգելակման անցման արագությունն է:
7. Ըստ Կ. Յունգի, բարդությունը հատուկ հուզական կառույցներ են, որոնք հարաբերական ինքնուրույնություն ունեն:
8. Հենրի Սյուրեն Թեմատիկ ապերգեպտիվ թեստի հեղինակն է:
9. Ընտանեկան միջավայրով սահմանափակվող վարքային խանգարման դեպքում տնից դուրս երեխայի վարքը և սոցիալական փոխհարաբերությունները ընդունելի վարքի սահմաններում են: